

ADMINISTRACIÓN LOCAL MUNICIPAL CAMARIÑAS

Anuncio de aprobación das bases do XXVII Concurso de Noveis Deseñadores de Moda, que terá lugar durante a XXX Mostra do Encaixe

ANUNCIO

Por acordo da Xunta de Goberno Local adoptado en sesión celebrada en data 7 de agosto de 2019 aprobáronse as bases do XXVII Concurso de Noveis Deseñadores de Moda. En cumprimento do disposto no artigo 17.2 da Lei 38/2003, do 17 de novembro, Xeral de Subvencións publícase o contido íntegro de tales bases:

“BASES DO XXVII CONCURSO DE NOVEIS DESEÑADORES DE MODA, QUE TERÁ LUGAR DURANTE A “XXX MOSTRA DO ENCAIXE DE CAMARIÑAS”, ENTRE OS DÍAS 8 E 12 DE ABRIL DE 2020”

Primeira.-Obxecto.

O obxecto do presente concurso é fomentar e promocionar a aplicación do Encaixe de Camariñas na moda.

Concedendo mediante o xurado oficial 3 premios: un primeiro, un segundo e un terceiro ás mellores coleccións de deseño de moda. E, un premio especial do público que resultará da suma das votacións de 10 persoas/desfile, xurado popular.

Os 4 deseños que compoñan a colección teñen que ter aplicado encaixe de Camariñas e non serán aceptados os que presenten outro encaixe diferente.

Segunda.-Persoas beneficiarias.

Poden concorrer a esta convocatoria tódolos noveis deseñadores con independencia da súa nacionalidade ou país de residencia, nos que concorra algunha das seguintes circunstancias:

a) Alumnos e alumnas que estean cursando estudos en centros, escolas e academias que impartan ensinanzas de deseño e técnicas de confección, teñan ou non, os seus estudos rematados.

b) Todas aquelas persoas, vinculadas ó mundo do deseño, que aínda sendo profesional no campo da moda, por manter unha relación contractual ou autónoma con algunha empresa do sector, non formen parte do equipo de deseño da mesma. Ditas circunstancias debe ser acreditada coa correspondente declaración xurada.

A participación poderá realizarse individualmente ou en grupo, neste último caso, o grupo compoñeráse dun máximo de tres integrantes, designándose de entre eles a un representante e debendo cumprir todos eles os requisitos establecidos para a participación.

Terceira.-Requisitos das memorias.

Cada aspirante presentará unha colección composta por 4 deseños.

O tema e a modalidade á que poden optar é libre tanto para moda masculina como feminina, con tódalas súas variantes; quedando excluídos os deseños de moda infantil.

Os deseños presentados non puideron ser premiadas noutros certames de moda.

A memoria poderá estar impresa en formato DIN A3 ou A4, na portada deberá figurar obrigatoriamente o título da colección. O nome do autor/a non deberá figurar en ningunha parte da memoria

A técnica dos debuxos é libre e cada deseño presentarase nunha lámina coa vista de fronte e posterior.

En cada deseño ten que indicarse onde se incorporará o encaixe de Camariñas.

As láminas deberán ir acompañadas dunha descrición técnica do deseño axustándose como mínimo á talla 38 modelo feminino e talla 42 modelo masculino, segundo o sistema europeo.

Poderá achegarse calquera outra documentación que se considere relevante de cara a valoración do proxecto.

Cuarta.-Solicitudes e documentación.

A presentación da solicitude da participación no concurso leva implícito a aceptación de todas e cada unha das presentes bases.

Para garantir a confidencialidade da identidade dos/as participantes presentárase a seguinte documentación:

- Modelo de solicitude - identificación que recollerá só nome da colección (Anexo 1).
- Dos sobres pechados que han de conter a seguinte documentación:

Sobre A: No exterior do mesmo deberá indicar "sobre A + nome colección".

- Solicitude de participación (Anexo 2) segundo modelo que se achega a estas bases.
- Documentación acreditativa da identidade do solicitante (DNI, NIE u outros).
- Currículo do/a autor/a.
- Declaración xurada a que se refire punto segundo apartado b).

Sobre B: No exterior do mesmo deberá indicarse "sobre B +nome colección".

- Conterá a memoria seguindo os requisitos do apartado 3.

Quinta.-Lugar e prazo de presentación.

O prazo de entrega da documentación sinalada no apartado anterior finaliza o 2 de decembro de 2019. Presentarase na Casa do Concello de Camariñas (Praza de Insuela, n.º 57. 15123 Camariñas) en horas de oficina, de 9.00 a 14.00 horas de luns a venres.

Sexta.-Selección e comunicación das memorias finalistas.

Dado o limitado número de prazas para o desfile, farase unha selección das memorias presentadas; para ilo a alcaldesa do Concello de Camariñas nomeará a un xurado.

A comunicación da lista de memorias admitidas a concurso farase pública na web do Concello e individualmente por correo electrónico antes do 19 de decembro de 2019.

O Concello de Camariñas reserva o dereito de anular o concurso, se as memorias recibidas non reúnen un mínimo de calidade ou o número de memorias recibidas non é o suficiente para organizar un desfile.

Sétima.-Procedemento.

Todas as memorias seleccionadas recibirán unha cantidade de encaixe por valor de 300 euros, IVE incluído, segundo catálogo e tarifa establecida de antemán polas asociacións de encaixeiras do municipio de Camariñas, catálogo que está publicado xunto con estas bases na web do Concello de Camariñas. O encaixe que se lles subministrará estará realizado en algodón e en cor branco.

Os concursantes seleccionados confeccionarán a colección cos seus catro deseños propostos, para desfilar na pasarela da XXX Mostra do Encaixe de Camariñas, desde o xoves ao domingo, cun promedio estimado de máximo 2 desfiles diarios.

Os concursantes que poidan asistir á Mostra poderán estar no backstage atendendo as súas coleccións.

A organización da Mostra e a da Pasarela non se fará responsable de posibles deterioros por uso durante os desfiles (por exemplo descosidos, botóns desprendidos, manchas de maquillaxe...).

Cada unha das pezas e accesorios deberá levar no seu interior unha etiqueta que identifique o nome da colección.

Cada conxunto debe de ir con percha e acompañado de unha ficha, onde conste o nome da colección, os complementos e as pezas que formen dito conxunto (no caso de ter algunha colocación especial debe de indicarse claramente) e o nome da modelo que se lle adjudicou.

As pezas confeccionadas terán que chegar ó Concello de Camariñas antes do día 30 de marzo do 2020.

Dirección de envío: Concello de Camariñas - Departamento: XXX Mostra do Encaixe - Casa da Pedra - Praza Insuela, s/n. 15123 CAMARIÑAS (A Coruña).

Novena.-Composición do xurado e criterios de valoración.

O **xurado oficial** que ditaminará o 1.º, 2.º e 3.º premios estará integrado por personalidades do mundo da moda ou que teñan relación con ela dalgún xeito, a súa designación corresponde á Sra. alcaldesa do Concello de Camariñas e estará integrado do seguinte xeito:

Presidente: un deseñador/a

Vogais: cun máximo de 12 deseñadores/as.

Secretario/a: un empregado público a designar pola Alcaldía, que actuará con voz e sen voto.

A composición do xurado darase a coñecer con anterioridade a súa reunión na páxina web municipal e en medios de prensa.

O xurado non se poderá constituírse nin actuar sen a asistencia de aló menos tres dos seus membros. En todo caso será precisa a asistencia do presidente e do secretario.

O xurado reunirse o sábado, día 11 de abril, para determinar os tres premios, previa visualización das memorias e valoración do deseño, da confección e da aplicación do encaixe (elección e distribución).

O xurado poderá rexeitar todos aqueles traballos que non cumpran as condicións do concurso e poderá deixar deserto un ou máis premios se estima falta de mérito nos traballos presentados.

As deliberacións do xurado serán secretas e levantarase a acta correspondente.

A decisión do xurado será inapelable.

Xurado popular:

O "Premio especial do público" resultará da suma das votacións do xurado popular que estará composto por 10 persoas/desfile elixidas polas/os azafatas/os de entre o público asistente a cada desfile.

Da suma das puntuacións deste xurado popular levantarase acta dando fe o xurado oficial. No caso de empate o premio repartirase a parte iguais entre as coleccións empatadas.

Décima.-Importe e entrega dos premios.

Importe:

1.º premio: 2.100,00 €.

2.º premio: 1.200,00 €.

3.º premio: 600,00 €.

Premio especial do público: 600,00 €.

Os catro premios daranse a coñecer o domingo, día 12 de abril, na clausura da XXX Mostra do Encaixe de Camariñas.

Asemade, farase entrega a cada un dos finalistas no concurso dun diploma que acredite a súa participación no XXVII Concurso de Noveis Deseñadores.

Undécima

As coleccións gañadoras quedarán en poder do Concello de Camariñas para a súa presentación en desfiles, exposicións e diversos actos durante 2 anos; sempre figurará o nome do autor. Durante este período se o deseñador precisa da colección para participar en outro evento deberá solicitar por escrito o envío da súa colección e os gastos correrán a cargo do deseñador.

As memorias serán devoltas na clausura da XXX Mostra ou enviadas por correo ós participantes que as soliciten.

Queda implícita a autorización dos autores das obras seleccionadas para a reprodución e publicación de imaxes ou contidos destas por parte do Concello de Camariñas ou calquera que estime oportuno.

Queda implícito na participación desta convocatoria a aceptación do contido das bases.

Calquera dúbida sobre a súa interpretación, ou calquera modificación desta, será resolta polo comité organizador da Mostra do Encaixe.



CONCELLO DE CAMARIÑAS
A CORUÑA

ANEXO 1

XXVII Concurso de Noveis Diseñadores de Moda
Mostra Encaixe de Camariñas

Datos de identificación

Nome da colección:

Documentación que aporta:

Sobre A

Sobre B

En _____, ____ de _____ de 200__



CONCELLO DE CAMARIÑAS
A CORUÑA

ANEXO 2: SOLICITUDE DE PARTICIPACIÓN
XXVII Concurso de Noveis Deseñadores de Moda
Mostra do Encaixe de Camariñas

Datos do/a solicitante:

Apelidos	Nome	DNI
Dirección	Localidade	
Provincia	Código Postal	País
Teléfonos de contacto	Correo electrónico a efectos de notificación:	

Colección:

Nome da colección coa que concursa:
Modalidade da colección:

Participa como alumno/a?:

SI	Nome da academia: _____ Presentar copia da matrícula
NO	Presentar declaración xurada de non ser profesional no mundo da Moda

Documentación complementaria:

<input type="checkbox"/> Fotocopia do DNI/NIE <input type="checkbox"/> Currículo <input type="checkbox"/> Fotocopia matrícula <input type="checkbox"/> Declaración xurada <input type="checkbox"/> Participa como grupo?: Representante:.....
Sinatura do solicitante: _____, ____ de _____ de 20__

En Camariñas, asinado en data 8 de agosto de 2019 pola alcaldesa, D.^a Sandra Insua Rial.